

海秋詩集

卷三至
卷七



海秋詩集卷之三

益陽湯鵬海秋撰

琴操二十首

思親操

舜遊歷山見烏飛思親而作

雲稠霧錯兮天茫茫親兮我兮各一方陟彼崔嵬兮遠
于望羣鳥盤飛兮攬我腸人生何期兮父母孔將夜夢
孔明兮晝弗忘萬有孔薄兮天愛長心如日月兮髮秋
霜願言百年兮保壽康

海秋詩集卷三

湘妃操

舜陟方死於蒼梧二妃死於湘江之間後人哀



之而作

望不見兮蒼梧差我劃不斷兮湘水紛波君王去矣捐
綺羅紅顏窈窕心匪佗已乎已乎奈愁何

襄陵操

禹治洪水上會稽山作

洪水兮滔天崩山拉石兮春然魚鱉摧死兮可憐萬民
嗷嗷兮憂煎忍獨樂兮晝食夜眠奠定兮聊塞吾愆



岐山操

太王避狄遷岐周公哀之而作

乾坤崎嶇兮靡定處君民遑遑兮泣如雨
非阻式遷式營兮用心苦仁不化侵陵兮智
哉彼哉不余侮

拘幽操

文王拘羑里作

樂莫樂兮旱爲霖悲莫悲兮牢穽深行苦
擒呼號無從兮悄悄斟履仁蹈義兮振古
海秋詩集卷三
勉兮死當理沈何必蒼天兮知我心

採薇操

伯夷叔齊恥食周粟隱於首陽之山而作

瞻彼薇矣離離其萼人之無誼君子所薄
猗其華人之無顏君子所嗟螻蟻自馴鯨
而泰勿大而傾薄言采薇是刈是烹豈惟
爭

履霜操

尹吉甫子伯奇無罪爲後母譖而見逐自傷而

不廷類作

朝畏霜嚴兮暮畏霜寒形單影隻兮血淚斑斑父不我
拯兮匪父之愆母不我畜兮匪母之殘命適蹇兮罪多
端呼天自訟兮他何敢言人生如此兮大艱難憫憫內
顧兮摧心肝

士失志操

文公重耳奔狄其後返國賞從亡不及介子推

日月孔明兮不照重淵五蛇從龍兮一蛇遷延匪其遷

海秋詩集

卷三

三

延兮龍德有偏得勢失勢兮枉用喟然山中逍遙兮且
以永年

雉朝飛操

沐犢子年七十無妻出薪於野見雉雙飛感之

而作

彼雌者雉無止我園其文斐尾使我悲憐彼雄者雉無
止我亭其形揭驕使我嗟驚我嗟我悲誰察我心曲我
老我孤誰念我嗣續凡民之生鮮不有欲抑獨何爲天
不我祿

別鵠操東魏左甯鼓息然陳齊亂臣歸齊荷

而半商陵穆子娶妻五年無子父母欲其改嫁其妻

行平否聞之中夜悲嘯穆子感之而作文指

黃鵠飛兮裊裊雄顧雌兮心哀昔比翼兮金石諧今乖

離兮胡為哉願欲從卿兮父母猜哀盛適然兮理可推

憂能傷人兮懷當開無使紅顏兮化為埃

悲別龜山操謝靈運

魯曾目季桓子受齊女樂孔子欲諫不得退而望魯龜

山作

海秋詩集卷三 四

龜何為兮倬詭不情不能雲雨兮蔽魯則橫匪其蔽魯

兮魯自不明縱莠亂苗兮道涓污涇鳴臬盤天兮鳳皇

悲鳴庶其有悔兮邦家之榮

息鄴操謝靈運

孔子之趙及河聞鳴憤竇犖見殺回輿旋衛息

鄴而作謝靈運

行乎否乎吾安能瞿瞿乎止乎否乎吾安能踰踰乎踰

踰而生德之辱也蹇蹇而死道不足也河水如鏡我心

如衡西去則否東歸式甯還息於鄴有廬可局有詩有

書有琴與觥不願乎外其樂難名

猗蘭操

孔子自衛反魯隱谷之中見薺蘭獨茂喟然嘆曰蘭當爲王者香今乃與衆草伍因自傷不逢時而作

蘭之特矣忽其羣矣其羣誰爲汝殷勤蘭之香矣忽其霜矣其霜誰爲汝悲傷貴兮弗甘賤兮弗苦但念無辜泣涕如雨九州遨遊靡有定處實崎實嶇實齟實齟老之將至歲不我與悠悠蒼天裂我肺腑

海秋詩集

卷三

五

殘形操

曾子夢見一狸不見其首作

彼麟之角兮彼鳳之喙今非其時兮不我以俱胡爲乎狸兮身首模糊吉凶在天兮無以夢也愚

歸耕操

曾子在外十有餘年懼父母之養不備而作

若若遠遊歷歲年兮好名汨性不如力田兮式耕式養爲父母憐兮父母之不憐其他又何足言兮歸哉歸哉我罪斯捐兮

水仙操

伯牙學琴於成連成連曰我之學不能移人之情吾師有方子春在東海中乃賈梁從至蓬萊山成連迎其師刺船而去旬時不返伯牙心悲而作

海蕩蕩兮風與波連魚龍叫嘯兮羣鳥悲酸木葉紛紛兮如雨如煙延頸四望兮心渺綿先生不返兮道在旃寥寥此意兮誰與傳

采芝操

海秋詩集

卷三

六

四皓爲秦博士遭世暗昧坑黜儒術退居南山而作

彼曄者芝在南山之陽于以采之人不我攘彼曄者芝在南山之陰于以采之人不我侵皇農已矣憂患絜矣一縱一橫荒厥是矣一飛一潛析厥指矣維其有見矣是以有止矣維其有閑矣是以有美矣

八公操

淮南王好道正月上辛八公來降而作

悲下土之人兮矍矍嘈嘈憾無羽翼兮騰于神霄八公

知我心兮來降來招
驂以紫虬兮飲以瓊膏
遊遊白玉京兮其樂陶陶
蹈波不濡兮入火不焦
千齡一瞬兮安知鬢髮之飄飄

歸風送遠操

趙飛燕作

風飄飄兮吹衣執手踟躕兮遠別
離山有厓兮水有湄去復去兮無窮
期明月不寄余心兮黃鵠又不可騎
思君子兮當告誰靈填雨冥兮慘獨悲

於忽操

海秋詩集卷三

七

龐德公隱於峴山之南而作

於忽乎陸有虎羆水有蛟
君子如慄曷不遁逃於忽乎
蘭爲環荔爲裳君子如貞曷不韜藏彼之忌矣勿其蹈矣彼之無矣勿其誚矣居世苦短知幾苦遲及今有悔乃嘉乃綏今如弗悔乃險乃囂於忽乎吾不可以顛眴爲

海秋詩集卷之四

益陽湯鵬海秋撰

古歌謠

黃童白叟歌

童鳴鳴叟翩翩葺爾屋肥爾田

叟衍衍童子于炊爾黍焚爾魚

童亦無所知叟亦無所知戴天履地其樂熙熙

叟亦無所求童亦無所求沐日浴月其樂悠悠

管葛頌

海秋詩集卷四

才乎才乎無管與葛將安開乎時乎時乎無管與葛將

安施乎

元妙歌

太和和哉儲九精哉蠲百痼哉其人美且皤哉

太空空哉翔沈寥哉造龐洪哉其人美且崇哉

寂寥歌

朝無人暮無人翩翩黃鳥翔我庭黃鳥黃鳥爾勿鳴

海有鯨山有虎褰衣欲往風霾苦已而已而聊樂我宇

童子酌我酒媿女爲我歌閉門息影樂無涯白日耽晚

奈我何

嚴先生歌 併序

激浦嚴先生治南山有聲詩人美之而作歌

嚴先生在南山之南鞭爾犢浴爾蠶民是以妯

嚴先生在南山之北剖爾訟殲爾賊民是以式

南山之雲不傍崔嵬但亭亭兮為我嚴先生來南山之

風不振枯槁但飄飄兮為我嚴先生好

春娟娟花滿郭先生在南山樂旦上南山頭暮上南山

腳扶杖之老紛其騰躍

海秋詩集 卷四

二

秋黯淡霜滿邱先生死南山愁暮莫上南山脚日莫上

南山頭垂髻之稚哀啼啾啾

生為南山父母死為神酒白蕉黃來享來欣願爾民意

萬年弗枯弗涸弗飢以呻

思美人

練如雪郁如蘭思美人心盤桓

聚如月散如煙思美人心渺綿

山幾幾水泱泱思美人心窅茫

天高高地老老思美人心潦倒

悲秋辭

霜霰下矣百卉俱腓矣昨之盛而今之衰矣日月逝矣
中心曷歸矣今之是而昨之非矣

反悲秋辭

風其騷矣而松不枯秋乎秋乎松不汝辜乎霜其凜矣
而菊不賸秋乎秋乎菊不汝悔乎

羞貧辭

脛脛乎其無成乎安得瀟湘之湄買田以耕乎墨墨乎
其無譽乎安得峒嶶之峰葺屋以居乎

海秋詩集

卷四

三

反羞貧辭

一區之芋可以營吾飽兮毛髮飄蕭忽其好兮一勺之
泉可以療吾渴兮心腸結懣忽其豁兮

折楊柳送別辭

秋風蕭蕭霜露涼之子去矣道路長折楊柳兮心蒼茫
秋風切切衣裳寒之子去矣形影單折楊柳兮淚潺湲
秋風顛顛毛髮槁之子去矣蓬蒿老折楊柳兮復何道

挽歌

併序

大夫之賢者不得志以死可哀也

壯亦蹉跎老亦蹉跎嗟嗟奈老何生亦蹉跎死亦蹉跎
嗟嗟奈死何

北邙冢兔與狐冢中枯有與無念子逝矣云何不呼
人間世萬不齊愚者樂賢者悲念子逝矣云何不疑
其疑維何杳乎冥哉其吁維何德之馨哉大美不耀乃
與腐草爲螢哉彼蒼者天尙訶余之悲鳴哉

短歌三章

山自高水自流大絃小絃心悠悠子期逝矣三千秋
赤松子浮邱公導我以翱翔胡爲乎塵土行

海秋詩集

卷四

四

筮不郭璞醫不扁鵲福不來兮禍不作

樂莫樂

樂莫樂兮松與喬悲莫悲兮羈絆牢

樂莫樂兮沮溺耕悲莫悲兮塵土橫

樂莫樂兮才不才悲莫悲兮驥突飛

樂莫樂兮味無味悲莫悲兮魚中餌

樂莫樂兮鶴鳴皋悲莫悲兮猛虎咆

樂莫樂兮鳴高颺悲莫悲兮蟋蟀繁

樂莫樂兮薌蘭芬悲莫悲兮淄與磷

樂莫樂兮飲醇酒悲莫悲兮腸結糾

樂莫樂兮煙霞古悲莫悲兮風霾苦

樂莫樂兮金石壽悲莫悲兮腰圍瘦

織女歌

露稀風靜月娟娟河漢清淺心纏綿
露裾瓊佩交新鮮柔橈諺媿止復前
佳期至矣靈鵲便流連瀾漫樂難言

牽牛歌

東西迢遞去幾許赤螭青翰來容與
秋雲霏霏振羅紵鳳笙鸞幕歡讌語
扶桑欲紅曉驂舞會短別長涕如雨

海秋詩集

卷四

五

雜歌謠四十章

鴛鴦乎何爲而雙飛乎伯勞乎何爲而單棲乎嗟乃其宜乎

棘端刻猴豈不殊乎嗟幻兮猴有無

懸蝨而射兮磴磴乎紀昌誰能駕狡狴兮千里一息萬里一翱翔

燕燕爾亦勞暮宿檐下巢且營梁上巢一何翹翹

蚯蚓無口兮其鳴也紛唵蜘蛛有絲兮弗以供綺羅而

網彼飛蟲

蛇兮虺兮畏彼蜈蚣牛兮馬兮奈蚊蚋之能攻
百尺桐十丈蕉風兮雨兮不汝以饒
凌霄花蔓纏古木匪孤標羌何爲乎號淺霄

鼠姑鼠姑其香滿區大雨如盆小雨如珠紅殘紫暗奈
而乎

瓜乎瓜乎既其惡麝而又化爲魚乎

蝶粉活蜂蜜肥蜂分蝶兮無是非
狐千年木千年以木照狐狐不能翩翩

馳驅者騾耶歐致者驢耶啮啮者鳳凰耶洵河者鸚鵡

海秋詩集卷四

六

耶

莎可笠藤可杖叢叢蒺藜刺脛不可往

階有蔘牖有松哀哉荒野外離離白頭翁

翦春羅翦秋羅春兮秋兮紛可翦其若冬青萬葉何

彼鳩兮知陰雨奈何雉子斑不顧尉羅舉

兔絲不可以爲衣燕麥不可以爲食彼君子兮慎莫馳

其聲而落其實

螺蚌自有珠鯉魚自有書誰其剖之我所吁

鴟啄腐鼠鳩雛悲腐鼠可啄咄嗟乎鴟宜不宜

菩提種從何來芙蓉花爲誰開使我一步千悲哀
木何爲而傲寒草何爲而指佞於戲草兮木兮惟其正
葵之智矣衛其足蘭之仁矣而膏不可續哀彼百卉于
誰軌躅

白龍來下清冷淵象且豫且汝慎旃

咄嗟乎猩猩能言君子食其馘而啜其羹咄嗟乎猩猩
不如人

鹿角墮矣得長生哀彼象齒莽自傾

虎識人不捕醉與癡嗟嗟醉與癡

海秋詩集

卷四

七

扇兮扇兮卻彼炎蒸羌何爲兮揮蠅枕兮枕兮怡我寤
寐羌何爲兮辟魅

有瓶弗守乃潰厥口有鏡弗呈乃穢厥形

盤弗銘鼎弗銘豈惟不聞道乃不汝以生

萬鐘弗爲厚二簋弗爲薄小人媁媁君子綽綽

雖有鷓鴣尙畏秋霜雖有蝮蛇尙畏雄黃

蟲飛飛赴明燭兮命可傷白蟬藏身於萬卷兮樂且無

央

月暈知天風礎潤知天雨心欵欵兮誰告語

大魚能江湖小魚能溝渠各各不相踰
種松不成且種萱種萱不成勿復言

皇蘇臯蘇釋我勞艾蕭資菘不得騎

苟塗之弗斜何必乎雲母車苟波之弗投何必乎太乙
舟

孰澤我顏惟有櫻桃孰悅我性惟有蒲萄

無患木于以棲之綏福祿不死草于以茹之多壽考

綿竹謠

併序

內子既歿於都而憑於此以告其家之昆季道

海秋詩集

卷四

八

余前身爲四川綿竹令渠爲幕賓綢繆許與無
閒言今是以有絲蘿之緣余聞而悲之作綿竹

謠

生爲綿竹令兮死當爲神悔隨塵土兮以有此世之悲

辛

前之世與我好兮今之世不我以終彼蒼者天兮惡知

余之淚紅

綿之山其蘭千年綿之江其月嬋媛哀我兩人悲歡離

合一何騰騰

綿之江其月皎皎綿之山其蘭美好哀我兩人已焉哉
勿復道勿復道

黃金臺歌

天昭兮日星明地固兮河嶽并燕昭仁兮郭隗榮獨立
蒼茫兮吾淚橫

若之何歌

雨師善雨而使之風不能吹噓兮將焉從醫師善醫而
使之巫不能嫵媚兮將焉如

對月歌

海秋詩集卷四

九

月乎我乎皎皎者在天乎亭亭者在牖乎出亦照我乎
入亦照我乎吁其偶乎
我乎月乎寥寥者我心乎種種者我髮乎昔亦對月乎
今亦對月乎吁其末乎

蠍虎謠

銘兮主敬咒兮驅邪蠍虎蠍虎奈何
長尾如戟短尾如戈我兮我兮奈何
西有匿景東有逝波我兮蠍兮俱奈何

小兒歌

小兒歌

天陰陰。啼哭深。塞簾見白日。一何快心。

折黃花。插帽偏。黃花黃花。亦可憐。慎莫傷其根。

鷓鴣鷓鴣。繞我廊。呼僮引弓翼。墜雙胡爲乎。繞我廊。

阿母哺我哺我。勿怒我阿母。怒我怒我。還哺我。嗟嗟仁

哉阿母。

奴曰虎在右。婢曰豹在左。誰能不怖汝曹。給我

寢。勿離牀褥。走勿踰門闌。阿母阿母。不我憂思。

人間可哀之曲六十一章 併序

亡荆瑞華殞已再替一夕夢其來喃絮絮說

海秋詩集 卷四

十

生前死後事不休。因代其意爲人間可哀之曲

六十一章

今夜月。今夜心。繁哀不能整。嗚咽爲君唵。

君九天。妾九泉。兩載不相逢。涕下一何翩。

妾思君欲騎赤蚪歸。鬼伯不我云。

君思妾輾轉在牀茵。盈盈淚垂睫。

妾思君魂魄西復東。蕩蕩徒悲辛。

君思妾悲啼。滅容顏。滅滅如寒葉。

妾思君茫如瞽。與薑枯坐斷知聞。

君思妾浩如江與河風濤相積疊
今夜月今夜風。綵纏整環佩。窈窕倚梧桐。

望我廬。疑恍惚。門前雙老槐。枝枝葉葉相撩撥。

黃犬故信猜。鴟雞故膠膠。認我舊主人。不鳴不吠但週

遭。

拭我鏡上塵。理我琴上絃。故物增新悲。含淚不能言。
絲帶結合歡。綿被著同功。是妾昔時意。今爲君所慵。
淚染石榴裙。髮結象牙梳。是妾昔時痕。今爲君所吁。
青絲纏蠶筐。白珠綴蝦簾。是妾昔時掛。今爲君所瞻。

海秋詩集 卷四

十一

躑躅何豔豔。篋管何纖纖。是妾昔時種。今爲君所吹。
甕底醪。濁耶清耶。盜中米。白耶黃耶。

婉變兒詩耶。書耶。嬌癡女沐耶。梳耶。

阿俶怛十四餘。殷勤惜居諸。慎莫嗜糟粕。慎莫守沮洳。

阿健。何爲者。顛蹶黃泉下。毒魔施惡痘。扁鵲不能假。

風。颼颼涕泗滂。阿健數已竭。阿俶理宜詳。不地出。

阿俶。飢魚菜稀。阿俶寒衣裳。單嗟嗟。飢寒。

阿俶。飽啖梨棗。阿俶。煖著袍襦。嗟嗟。飽煖。

阿蘭。妖復阿蕙。如遠嫁。當何鄉。嫁時勿草草。翠冠白玉。

璫

阿蘅如最小。小行止太嫜。娉班昭有女。誠慎勿厭。叮嚀
阿菘。妊先我亡阿健。阿菁。姪後我亡哀哀九幽。閉栩栩

三雛將

三雛從地下。四雛寄人間。君子解提攜。無使妾悲歎。
君心如霽月。執義如泰山。泰山長崔嵬。霽月常團圓。
雖有理與瑤。不棄故所佩。雖有嬌與嬈。不忘故所愛。
阿姊爲故人。阿妹爲新人。醴泉同甘冽。芝草同本根。
不知故人醜。不知新人好。君子厭二三。纏綿勝窈窕。

海秋詩集

卷四

七

不知故人去。不知新人來。君子善變化。恍惚生悲哀。

篋中何所有。齊紈魯縞紛。煽爛裁爲新人衣。霜雪不能
寒。

柈中何所有。魚羹鹿脯汁。淋漓煮爲新人餐。歲暮以無

飢。

腰間何所有。赤珠紫玉青珊瑚。垂爲新人佩。一步十脚

躑。

階下何所有。青裳丹棘黃金花。插向新人頭。鬢髮生光

華。

妾心何所禱。但願新人樂百年。長壽考。
妾心何所終。庶幾君子健。令名施無窮。

芒乎忽不可求。反乎覆。妾心憂。
妾在君騰鸞。妾死君左遷。左遷尙可慎。莫涕墮。

君爲人不蒙。顛肝膽如古劍。咳唾秋稜稜。

君爲官太頽。頽听然吐太阿。盍解韜夜光。

泥滑滑驥莫行。竹實稀鳳莫手行。且道遙行屏營。

南陌柳。淒以黃。何用鬪春風。秋淚滿蒼茫。

北邙柏。淒以綠。借問冢中枯。已矣謝馳逐。

海秋詩集 卷四

七

滔滔東逝波。苦矣精衛心。偃仰將云何。

曖曖西匿景。傷哉夸父才。蹭蹬不能逞。

撞君鐘飲君酒。千愁萬恨復何有。

膾名魚炙肥牛呼。僮理華筵買妓發清謳。

爲樂當及時。慎莫自齷齪。徒爲達者嗤。

不見霜飄飄。草木實可惜。蟋蟀紛夜號。

壯不樂老已來。學佛求仙俱藐茫。惟有讀書飲酒開其

懷。

敕新人浴酒漿。君子調饑渴。鬚髮不能蒼。

敕新人和瑟。琴君子。嚙。怆。鬱。涕。淚。不。能。侵。
敕新。人。勤。箕。帚。君。子。潔。宮。室。埃。塗。不。能。厚。

陸有車水有舟。妾欲從君死。已休萱草。萱草不療憂。
君有憾。妾知之。妾有言。君當思君。不愼思。妾心悲。

奈何許。隻翼不復雙。吞聲淚如雨。
星。睽。睽。夜。將。曉。妾。欲。去。悲。風。繞。

暫盤桓。相逢魂夢後。相思那得闌。

妾來。沸。君。愁。妾。去。了。君。悲。幽。明。白。有。限。安。能。學。學。數。追。

隨

海秋詩集 卷四

十四

直如弦

直如弦。駕短轅。曲如鈎。騎紫驪。

直如弦。臥寒氈。曲如鈎。衣名裘。

直如弦。心纏綿。曲如鈎。肆喙喙。

直如弦。淚潺湲。曲如鈎。快遨遊。

直如弦。惜暮年。曲如鈎。髮不秋。

直如弦。怕孤鶩。曲如鈎。百不憂。

借隱歌

併序

僕雖羈絆不果還山。然新婦瓊華飄飄乎有借。

隱之志也作歌以言其情

陟彼北山。白其被兮。于焉擷之。以佐君子之炊兮。
遵彼南陌。青青其桑兮。于焉蠶之。以充君子之裳兮。
君子有園。或梨或棗。君子有泉。或菱或藻。樂不可道。
君子有酒。或壺或罍。君子有懷。或琴或笙。樂不可名。
胡爲乎。緯繡胡爲乎。擠排歸去來。
胡爲乎。躡躡胡爲乎。裊裊歸去來。

豪士歌

廩廩嗚嗚。毛髮上橫。撫劍躑躅。不能悲鳴。飲酒一石。擁
海秋詩集 卷四 十五

書十牀。鵲鵲無止我庭。

黃鵠萬里振。以長風六區。八極載西。載東安能。屑屑從
彼狡童。青天裊裊。哀時倚梧桐。

曾不徊徨。曾不婀娜。揮霍變化。乃無不可。崑崙斯扶。滄
溟斯瀉。雌霓雄風。爲我上下。

前鳴咽歌

併序

哀石補廷給諫也

朝讀寶劍篇。暮讀寶劍篇。其聲嗚咽。心纏綿。
朝歌猛虎行。暮歌猛虎行。其聲嗚咽。天爲青。

子之稜稜兮以其愚子如不愚不成子之譽
子之咄咄兮以其窮子如不窮不成子之終
匪金匪石安得百年生亦不羨兮死亦不憐
匪泥匪沙安得棄捐其生也齟齬兮其死也可憐

後鳴咽歌

併序

哀龔春溪編修也

朝聞春風暮化爲西風其聲嗚咽一何重

朝聞春風暮化爲北風其聲嗚咽不能終

子之賢兮湖湘之士爲子翩翩子之死兮湖湘之士爲

海秋詩集

卷四

十六

子悲酸

子之賢兮謠詠者誰蒼天蒼天知子悲子之死兮嗚咽
者誰蒼天蒼天知我悲

悲亦不可塞辨亦不可伸維子之故使我逡巡
辨亦不可伸悲亦不可塞維子之故使我慘惻

無可轉轉歌

無可酬矣豈其憂矣高斯懍懍下斯悠悠矣

無可倖矣豈其屏矣窮斯洋洋達斯挺矣

無可言矣豈其吞矣歿斯已已生斯拳拳矣

海秋詩集卷之五

益陽湯鵬海秋撰

五言古詩

楚國有奇士

楚國有奇士。士曰夫何奇。氣岸外。倔強天機中。藹怡婉
變八九齡。用意非近規。嬉游顧其羣。不私棗與梨。側聞
鄰有喪。血淚相和悲。及乎歲屢豐。俯仰自娛嬉。禮樂委
鄉井。婚祭弛。型儀念此內。慙羞思一變化之。居室施古
則。見人陳苦詞。凜凜有圭稜。侃侃無喔咿。麤足補風教
海秋詩集

卷五

吁。猶限茅茨野。處非吾欲騫。騰指邦畿。盧溝碧滢漾。黍
谷青參差。祕殿帶靈瑣。嶢嶻成邈迤。

天子之所都。吁我來。頎頎投筆於禮部。文采吹劍鉞。太
息一字訛。不得首其儕。老成競衰采。優我於等夷。念昔
喜鉛槧。山中自猖披。吐詞迅雷風。樹義森戟旗。岫巖生
睥睨。洞庭爲津涯。峩峩湖湘子。獨往豈復疑。逮與羣彥
集。盪泐吞鯢鮪。紛然見推讓。烏知余是非。蔗葢致豐殷。
鑽厲窮精微。理忌枝節解。句厭記誦爲。古意浩韜蓄。神
光肆迷離。雖若不經營。一抽肝脾。自通金閨籍。思佐

軒與義詞賦心已慵。鼎鐘事可躋。修理南北樞。翰運陰陽基。三才爲部署。四海無凍飢。鳥登鳳竝。鳳獸斬豺與。狸奸黠。就規矩。鄙賤歸鑪錘。吁嗟此志闊。幾不爲人擠。鵬鶚蓄雲翰。騏驥斂霜蹄。出語懲猛摯。料事塞悲啼。咄咄祠部郎。力薄解與斯。不見南北鄰。吹彼笙竽篴。結客橫九州。呼娼描兩眉。杯觥必琥珀。屋瓦皆琉璃。掌握若秦華。鼻息生虹霓。衰盛勢固殊。賢愚理莫齊。顛風撓我懷。繁霜瘦我肌。簿書枯天性。冠履困時宜。兒童怯飢寒。奴僕違指撝。歷歷嘗窮愁。區區見高庠。孔顏何聖賢。蘇海秋詩集

卷五

二

張自詭。隨伊葛。何英雄。屈賈自險巖。道尊物所往。數蹇心莫歧。深沈有能事。澹泊富清機。時脫白氎袍。笑換青蘿衣。長松足箕踞。短筇聊委蛇。寺花晨招尋。朋酒夜挈提。秋深擘紫蟹。春軟調黃鸝。醉化莊生蝶。醒守老氏雌。作詩廣諷諭。讀易忘嬉嘻。黑頭取卿相。於我何陪裨。君看奇士骨。突兀如孤巖。

答徐熙斧

朝陔伐木詩。夜畏參與商。君子獨悃欵。聞我有文章。金石締奇盟。荃蘭施古香。羣兒或侵欺。高論挽謗傷。願謂

我羸瘦兀若枯莖楊性命換鉛槧魂魄爲光芒想當抽
騁時。衆鬼覷在旁願言縛子去雕琢紆肝腸造化曰不
然彼腹儲琳琅累纍耀其采以參我三光文人不可忌
吾德不可涼罰令暫不死酣嬉以洗洋少窺老學鉢壯
短時流牆兩手擘鯨鷄一口吸江潢根源劃崩豁旗戟
森開張開卷叫古人與我相頡頏五兵驅筆力血骨奔
以僵不卽斃楮端篇終悲且慶聞君昔好事有作成一
囊骨骼瘦於我鬢毛颯已蒼西郊兩病馬相對鳴慨慷
枯榮祇百歲賢愚那有常吾其誰之從萬古都茫茫離

海秋詩集

卷五

三

騷二十五左徒沈沅湘作賦迺益貧相如典鷓鴣不然
投閣死草元殊不祥不然走嶺海愈軾相披猖損之若
振槁得之不盈筐埋沒固草莽流傳亦秕糠人生不事
事其樂有未央五侯及七貴焯焯何煌煌坐當結綺樓
騎見真乘黃飢進紫駝羹倦支珠瑁牀親戚竝燕頤賓
客皆鷓鴣行相逢無所爲作使邯鄲倡大妹促小妹吹簫
來鳳凰競嘲攤書客蠢蠢談羲皇一朝心腎枯泯默歸
山岡計校古與今難以好醜量爲詩告同心竟夕以徇

惶。

送舍弟鶚歸益陽

舟虛波善泛。玉磨光肆好。咨汝在長安。勉勉借古道。嫂
病豈其痊。浣漬汝衣裳。兄勞豈其憇。谷藻汝文章。衣裳
日已潔。文章日已新。悲余無所有。輒使汝聞大言。汝
弗怒。細言汝弗哂。抗顏爲汝師。情真理逾近。握手長相
敬。分手長相思。山川阻且修。夢寐繚繞之。沮洳無大魚。
鄉曲尠良善。汝歸莫蹉跎。賢聖惟所踐。人生不振刷。故
習卽頽波。汝我守碌碌。父母慙羞多。

富貴且莫盡。骨肉金石堅。相思在中腸。何必涕泗漣。汝

海秋詩集

卷五

四

來兄嫂喜。汝去兄嫂愁。不得相伴歸。譬彼東西流。汝來
父母愁。汝歸父母喜。一子滯長安。一子今歸矣。父母念
兄嫂。顛倒廢食寢。勿任父母然。婉孌相勸稟。兄嫂念父
母。顛倒廢寢食。勿道兄嫂然。衰年倍悽惻。出門貴慷慨。
入門貴纏綿。周旋聚散間。豈曰非汝賢。楚水不北流。燕
山不南向。見汝當何年。短歌慎無忘。

室焚

室焚誰爲之。迷不知其故。夜夢炎官來。悻悻非常怒。橫
目張角牙。若挾斧與鋸。抵死一問之。官何我之妬。吁嗟

湖湘子觀理若帛布委懷百代則絡繹爲我御我不肯
襲沿縱筆自騰鶩亮當揭精英豈惟洗癩瘡以此浩自
得外峻而內裕直道厭模稜疏節屢踟踞腸熱口逾快
氣羸理已飫頗受朋知憐未覺妻孥忤酒酣有愛憎醒
憶不知處總計平生爲靡不可告語曷爲火其居遭此
震與怖炎官聞我言欲對反猶豫其夜以命還泣涕陳
謬誤天公曰嗟乎汝故不解悟我懸日與月炯炯自詮
注小人或得亨此不足戒懼君子或得困猶之乎仁恕
姜里憂在囚陳蔡飢無茹魚葬三閭魂鵬弔長沙傅腐

海秋詩集

卷五

五

刑固憊懣投閣亦枝梧紛紛箕斗張懍懍韓蘇互排佛
得貶徙詠檜駭收捕生世每乖違聞道乃辛苦至今天
下人俎豆紛奔赴伊人室不焚良金無鼓鑄伊人室不
焚迅馬無控馭伊人室不焚文章無詔濩伊人室不焚
道德無寄付觀變窮深源歷險得平路汝往告伊人艱
難卽福祚再拜謝天公我才豈其庶度木必魯般療疾
惟俞跗念彼覆幬權追琢善吹煦幸終教督之十美無
一汙思款天之門罄此心中語炎官歛翱翔倉猝不可
附徘徊重徘徊驚覺天已曙披衣書狻猊慰彼婦與孺

送高竹仙明經

端居坐兀兀獨學心忡忡誰謂竹仙子飄飄若春風聰
明藏靜好婀娜出龍提請我發鉛槧文字恣磨礱柏馬
一振刷光景鮮以豐亮當拔泥滓出入蓬萊宮翻爲涸
泉魚那羨順風鴻告歸期苦促流涕詞難終武陵清水
源古桃春霞紅嗟余塵纓苦欲往不可同驚風吹黃沙
送子秋濛濛人生忽聚散颯若風中蓬羈離况吾徒牢
落將安從膠漆苦易歇柄鑿苦易逢念彼行路難刺促
傷心胸

海秋詩集 卷五

六

白白幽州女

白白幽州女年可二十餘生小不知愁聰麗與人殊十
三繡衣裳紫鳳夾天吳十六整雲鬢雜珮鳴瓊琚二十
無夫家慈母爲嗟吁母兮忽已沒黃金忽已少華屋不
得居兀倚蓬屏曉摘彼明月璫卷彼朱萼裙去換薪與
米以贍兄嫂貧阿兄不解事掩淚難開口草草嫁秦中
夫年四十九入門但低頭瑟縮羞明月且傾連理杯更
訂同心結不憾夫君老但憾妾緣慳本非鳳凰儔安得
巢僊山不憾妾緣慳但憾妾顏色若非桃李花那得狂

夫折人生若朝露太息千萬端妾聞班婕妤好團扇憾棄捐但道棄捐苦不識相逢難我欲竟此曲此曲悲且繁

雞鼠鬪

一雞傾九雛牆根憇俯仰雞去拾蟲蟻蒼鼠來寇攘九雛五被擒入穴飽歸饑其母蒼黃歸哀鳴寄慨慷側睨鼠穴旁堅坐疑儻慌鼠雖滅五雛咀嚼有餘想出穴雞啄之蒼茫失所往迴頭與雞鬪雞怒一何勇突起簸羽翻猛叫聞濤響痛憤無迴翔小挫更崛彊攢刺肉懸針噴薄血污塊逕欲搗肝腸不徒搯喉吭鼠勢坐窘迫四海秋詩集

卷五

七

顧無憑仗但羞前所爲生死殊惘惘雞呼阿雛來吞此不爲獷且俛羣鼠聞饕餮無休享物情有戈戟世路森羅網旣勝固有負方墜誰能上荒哉蝸角低超矣鴻飛廣不爭衆所貪聊以慎吾養

送陳海陽孝廉下第赴大梁黎觀察之幕

南宮會材桀故舊譁然來雲泥一阻絕聚散紛裴徊來如追風驃意氣輕蓬萊去若隨陽雁心折稻梁催伯樂亮誰雙鍾期久已埋雖抱濟時策迫此故林歸念昔雲橫麓春夏日佳哉讀書懷孔孟馳筆走風雷朝飲清冷

泉夕臥橫斜。梅酣呼落月。突兀撐陰靈。誰驅山中足。

競走國之媒。赫赫有高下。荒荒無是非。勞九辛不得官。

李大石亦摧隕。漠漠湘水曲。叢叢楚宮隈。子又棄我去。

馬鳴酸且哀。流觴汴河曲。訪古梁園臺。信爲君子儒。豈

直幕府才。論交貴盛間。還用識幾微。白璧不泥滓。黃金

匪朋儕。去矣慎所志。道義爲根荄。嗚余亦兀傲。孤羆坐

懸厓。稍稍去圭角。終不與時偃。願懲媿姍態。以葆堅白

懷。對面陳苦詞。探腸成禍胎。此然彼又晒。朝權暮還猜。

屢遭新知橫。願與素心偕。子來春風顛。子去冬雪飛。天

海秋詩集 卷五 八

涯重離別。愁懷安可開。默默念語笑。耿耿和煙埃。豈無

蒲萄酒。誰共去後杯。

夜覽吳洛濱秀才北行草

久別界微茫。新逢吐結臍。吳生江海人。漁樵訂素昔。曷

爲駕短車。北行獨躅躑。飛航始洞庭。狂飈莽蕩滌。魚龍

一叫呼。柁工慘以戚。忠信儻不淆。波濤那可溺。武昌及

襄陽。經歷在旦夕。孟德舳艫空。羊祜碑已路。以茲悟盛

衰。悽惻餘忸怩。輪蹄轉大梁。古色黃沙積。鄒枚豈再逢。

高李埋荆棘。裴衷文酒彥。不得相賞析。兼旬過邯鄲。我

馬奔以斥突兀見邦畿乾坤此削芳劍吹幽燕青衣帶
瀟湘碧於虛羈旅中千載一憤激歡少愁攢懷金窘詩
盈尺惻惻孟郊心滔滔賈誼策身世託悲歌山水工研
索飛騰入風雲昏黑搜魂魄搖毫興未終得句鬚已白
念我平生交詞章各藉藉孫六勞亭標媿雅趙二午橋躡孤
僻有才不騰騫支離老跼踖萬里寄勞思十年斷消息
子來我心開子困我心惻天扉奔崔嵬何由說前席雖
秉北海懷未憑東閣力鳳凰尙荆榛遑顧鶴鷄翼捲卷
發長嘆涕淚霑胸臆

海秋詩集 卷五

九

東西鄰

東鄰晝吹竽西鄰夜讀書借問東西鄰不其異趣與西
鄰曰噫嘻君豈忘居諸百年如過隙萬卷森在予人不
通古今馬牛而襟裾甯董爲後挽周孔爲前驅鑽厲苦
不足蘆蓑致有餘東鄰曰噫嘻爾何詭且迂古人骨已
朽古書義亦誣十言九不徵焉用誇倉廚冥心事吟披
日夕慘不愉肢體迫羸癯性情坐睽孤前街有名酒力
能購百壺後巷有名妓冰雪爲肌膚兩者沓然至信美
無與逾吹竽自朝暮可以忘嗟吁不見長安郊風霜走

腐儒白首不登第。登第亦區區。大都清冷曹。兀若桑株
枯。一冠纓已禿。一裘泥已污。鹽米屢告罄。妻孥亦難
入。無酒肉。噉出無錦纏。車束帶營簿。領瑣碎。滋糲糊。大
官一詰問。卑陬汗以趨。惶恐應對乖。平地生崎嶇。伺候
於公門。自卯動及晡。或欲抽手版。告歸老樵漁。豈有負
郭田。足以活其軀。隱忍吞牢愁。顛倒忘齟齬。讀書不必
貴。吹竽不必奴。讀書不必智。吹竽不必愚。孰黑而孰白。
一苦而一娛。西鄰瘁。見困瑟縮久。歛歔無以雪。此言來
奔告於余。余亦不能辨。執手立踟躕。凡東鄰所訶。繫余

海秋詩集

卷五

十

豈其無仰視。星日高俯思。鬼神俱鬼神。與星日真宰之
所於悠悠行路人。謗吾乃譽吾。

敘懷惜別贈吳蘭雪刺史

老龍測海廣。老鶴諳山深。平生所得力。閨寂誰見尋。蚤
飲清湘流。荃蘅味醇醪。今來長安塗。未敢趨紉縑。道孤
謝磷澗。名浮愧影衾。以此自斂退。靜觀得所箴。肅若未
嫁女。匿影畏其男。逸若遁逃人。姓字誰能譚。常恐酒肉
飫。反爲王侯擒。風波無定所。要路而輻欵。跌宕吳詩叟
才藻羣。嗟欽高可屈。貴戚下可振。盲瘖我耳初聆之。我

口則猶緘。壹意濫推獎。百代安能咸。哄然譽西子。諦視
乃無鹽。匪徒稱者陋。坐令受者慙。逮從友人席。歛讀篇
什。酣鮮若芙蓉。花巧若七夕。鍼清若潛波。魚和若出谷。
禽展卷不去手。攜壺將往斟。呼嗟湖湘子。邁往各有心。
大元思杳杳。三策光炎炎。原道及本論。大可六經兼。抗
懷探古邃。張目恣窺覘。焉能屈筆力。瑣屑爲謳吟。旣乃
習聲律。銳意蹈深湛。浩歎風騷秀。性命之所歆。晨思屈
宋旨。暮得猶微纖。曹劉至甫白。十擬九不厭。或逢韓與
蘇。恇怯避鋒鋷。潢潦無汪洋。培塿無崎嶇。願假十年力。

海秋詩集

卷五

十一

一還太始音。酒酣無鉛槧。浩浩沈沈庶。幾意所到古。

健寫淋漓我詩未。云足墨客來二三。揮毫徐

廉黃樹能

抗韻張

亨郭羽

可堪狂游極。郊垆雜坐。撞石金酣嬉。相角

逐飲噉窮炮。焯騫騰訪詩。叟叟不我愚。愍漸欲鬪詩骨。

劍戟相摩。劔扶搖燭天虹。三光入混合。指揮行地驥。萬

里迅驂驪。追呼涓怯臚。屈曲蘭逃廉。氣合雜。嘲勸技成。

有苦甜叟。私謂我健唐。突非所嫌。此志忽不愜。聚散誰

能諳。黔之山窈窕。萬里投華簪。作詩冰雪姿。作吏豈不

任詩歌。所韜蓄。一以康黎黔。惜哉剖符遲。鬢髮老已侵。

無乃盛名掩官序多差參徘徊望遠道局促悲離襟天
遣雙鳥鳴飛飛不同林君去我尙留兀傲西山岑我非
但爲叟別白瓦與琛上下數百年孰傑孰羸淫華豔才
苦多枯潔聲苦尖其他有典則神骨未足忼逶迤及輕
佻風雅逝駸駸虛靈遭蕩汨濡染變妖祲誰與崛興者
旗鼓鳴以森尙迴狂瀾倒如灑蒼生霖

久不得家書

朝望家書來暮望家書來山川浩浩隔愁懷安可開出
門見行人言從湘水隈約略問鄉井沈思轉成猜悠悠

海秋詩集

卷五

十三

白雲下帳望東南天滄海無停流骨肉有常圓徘徊重
徘徊夜夢何肫然上堂拜父母白髮舞蹁躑下堂呼弟
妹爛漫供杯筵父母良我愛弟妹良我好里閭姻婭間
良不我懊惱

醇醪不言醉醉後耳忽熱骨肉不言思思腸暗中結憶

昔始朝天書生腐可憐父母重念我一月書一篇中間

稍疏闊一歲四三書今茲太迂滯一歲兩書無慘慘游

子顏寂寂長安居眠食一以闕肥瘠將焉如愁深不可
道出望門前草草色何青青東風吹嫋嫋我懷鬱不開

美景爲誰好

鮮鮮躑躅花得得栗留聲膝前四兒女競作嬉春行焉
知我心深憂愁不可名瘦妻拭几席羅列酒與蔬有酒
我不飲有蔬我不茹達旦我不寢繞屋百匝趨我自離
父母悲歡向誰道歲月日已深衣裳日已槁骨奇行路
難詩富黃金少至哉我父母黃金非所禱

鴻雁厲毛羽南飛經我鄉去憑尺書寄來無尺書將簫
首雲霞外但見天茫茫謂當消息到反致憂思長憂思
能傷人強顏慰懷抱豈不折芳菲外悅迫中悄名譽風
海秋詩集卷五

三

前花富貴露頭草人生萬事空父母一言好

我有杜陵病肺枯側不伸伸畏風雨默默告鬼神不
敢告父母聞之愁腸繞及今不告之我罪非小小東風
兮東風丐爾以周旋吹彼浮邱雲飛來西山巔雲亦竟
不來書亦竟不傳欲報西王母誰其能上天飲我以紫
丹授我以元詮愁根一以拔盛顏年復年

皇帝五載冬阿父來長安側身稟道教容止瑟以閒於
何潰其防文字浪馳騁才炫遭訕笑筆縱忘修省遙遙
父母心倘厭今吾猛斬我以好音示我以深警旣警旣

悔羞淚下如流泉。路遠翅翎短。我懷無由宣。譬彼風中
狂。顛倒却復前。勞勞故山夢。黯黯黃沙天。早寄錦字緘。
解我憂心煎。誰謂江海深。不如涕淚多。誰謂長安樂。愁思當奈何。長
安多貴游。駿馬橫經過。晨朝銅龍門。夕醉玉山阿。可憐
湖湘子。十日九不起。問我何所憂。問我何所喜。昨夜夢
娟娟。尺素剖紅鯉。覺後乃微茫。愴恨殊未已。憂喜兩循
環。故故回我腸。有懷不可訴。獨坐增徬徨。

贈陳登之

海秋詩集

卷五

十四

薄海馳聲聞高才。肆交結眼前。昧珥瑁。懊悔不可說。相
逢長安塵。君傲我不媿。初如峯際雲。離合乍明滅。漸如
水中石。照濯兩孤潔。寺花晨招尋。鄰酒夜提挈。吐辭海
濤翻。角韻劍鋒折。示我平生作。出入眉山穴。清白無渣
滓。扶搖散錦纈。不愧名賢後。筆力森嵒嶮。人生有詩詠。
支派千萬別。是非生矛盾。高下混泰垤。古意零草莽。達
耳憎蜻蛚。願書君之詩。國門朗可揭。而君喜韜藏。蒼鷹
貌跛鼈。善詩不言詩。此理誰其徹。

別宗滌樓

天地生人初孰甘。苦辛愚駭坐偃偃。賢豪走跋跋。十
金窘杜甫。一裘寒蘇秦。伊古飢勞者。豈非不死人。宗侯
鬱奇氣。蹉跌在風塵。我友二三子。爾之風雨鄰。道爾於
我前。宛彼瓊瑤珍。見之長安郊。豁若宿昔親。氣岸各斬
斲。談論方斷斷。苦被生事牽。屢以別緒伸。十口永州野。
一廬冉水濱。嗷嗷望梁稻。渺渺隔晨昏。艱難迫行路。曲
折隨平民。去矣抱所志。君子方賤貧。

三十詠懷

忽忽長安住。行行三十春。及茲對樽酒。歡喜雜悲辛。念
海秋詩集卷五

五

我生之初高曾渺。已湮猶及見。大父鬚髮老。且新衰白。
倚孫枝。揄揚對衆賓。我家資水陽。世世勤耕耘。匪誇巢
許傲。願葆羲皇淳。東鄰有死人。移屍門前津。縣官金帛
索里胥。枷鎖均吞此。碑兀冤怯彼。唐突曠猶安。井與田
那羨。簪與巾透池。及阿父筆力走。其羣響摧霹靂。慮發勢
擬溟渤。吞中乃迫生。事制科棄如薪。摒擋佐大父。突兀
倚風塵。有田界鄰邑。鄰邑狡以振。潰圍倒灌之麻麥。泥
沙纏是非一。斂弄黑若雲。霧然繁勞髮。盡白追呼足。爲
鰥鵬也。百無能做惰職。其根熒熒抱古劍。蠢蠢隨朝神。

艱難念父老。背汗懸河翻。人生有根蒂。默傷遠遊魂。將
相酬恩仇。此徒豪俠人。努力崇明德。余志之所欣。秋草
春風吹。青青鋪若茵。天有再青草。人無還少辰。歎思總
角年。嬉戲不足陳。十五至二十。根柢薄如縉。文章技小
小。不著心與身。斗覺三十迫。數齒則駢臻。生今不古若
對食。膈爲堙。因之四五迅。若轉睛。頻俄然。六七十敗
若頽雲。屯勉勉。汲修頰。昂昂擗勁筠。稍令文行張。庶報
毛。裏親忽憶阿母亡。慘淡愁黃雲。束髮始讀書。琅琅至
夜分。啖我以梨棗。授我典與墳。天寒傍機杼。投於母懷
海秋詩集卷五

六

溫七歲痛失恃百年塊獨存

天章賁於庭。死奉非生敦。日月有晦朔。萱花甯再芬。沈
思及身事。愧憾夫何云。失聲一慟哭。涕淚淮湖奔。雖有
百斛酒。爛醉愁難馴。

陶雲汀中丞述職還姑蘇布懷贈別

聖德服回部。功成謁

珠邱及關亦已勞。公來拜

冕旒

天顏豁有喜。嘉禮賢諸侯。前席十二召。工歌湛露休。寵

眷高九牧聲施鷺八州北回燕山脚南指吳門頭

聖心猶倦倦往哉難汝留吾鄉富山水冠蓋如雲稠迴

首乾嘉閒老輩皆驛騶滄洲陳恪勤公鎮河上束縛洪濤浮

激浦巖樂園先生功勒南山幽長沙劉文恪公及武陵趙文恪公名

位軼卑陬公尤才力闊溟漲滙羣流咳唾走魑魅指揮

動斗牛與公偕行者本末各清修翩翩賀柘農與黃怪古

調碎時謳太阿一出匣光彩森炳彪粵西賢太守唐鏡海

近亦渡盧溝觀其道力足茹春而吐秋杞梓上千尋棕

櫚何足收我通金閨籍不及從公游鴻雁江南飛銜書

海秋詩集

卷五

七

抵面謀灑灑千萬言馳驟而夷猶公謂我筆力當於古
人求公來虎蠹揚公去馬嘶愁有懷未盡陳送別風颼
颼古人崇實濟大川涉長舟今人獵虛譽虛譽乃贅疣
許身稷契閒何以黼嘉猷

送胡鏡塘別駕師

人生困薄宦兀若失林鳥東西迫驅馳貧病紛纏繞
觥我夫子逸氣凌雲表伺候羞公門清白得上考於例
得謁都天日照懷抱翹翹職新任忽忽心如擣念昔縮
章綱志氣如驥裏誰謂湖湘閒作吏長懊惱食蟹苦不

足割雞徒自小。校量縣與州。升沈無醜好。屈曲走蠻江。
浩蕩問蒼昊。焦勞觸沈疴。羸瘦比枯蓼。沈思棄官去。豈
有郭田遠。有如風中蓬。簸揚不可了。鵬也昔及門。吹噓
潤才藻。拔之茅葦中。忝爲廟廊寶。羈棲幽州城。蚤夜增
綿藐。側聞夫子來。款款勤灑埽。宛轉旬日居。夜談恒至
曉。拂悅出新文。淋漓醉青醪。悲哉北馬驕。去向南天杳。
邯鄲塵汚車。黃河波射貂。行行指洞庭。下有蛟龍爪。前
途慎跋涉。後會阻孤悄。夫子信仁賢。艱辛可以飽。理悟
六爻微。心嗤三窟巧。執手復叮嚀。聚散萍寄沼。努力加
餐飯。無使毛髮槁。

海秋詩集

卷五

六

讀朱南厓太傅蘇嶺題壁詩卷愴然懷之

蘭艾羞同科。驥驂本殊號。於惟太傅風。薦士速響報。知
賢銘肺肝。樂道忘耄耄。小子角弁年。聞公自祈禱。惜哉
通籍遲。墓荒西山隩。太傅葬西山之呂村往往撫遺墨。沉沉發悲

歎。最後吾宗特。

敦甫宗伯

乃以斯冊告。自公強仕年。載揚使

車轟。

太傅視學浙閩。凡先後經蘇嶺皆有詩。

頓轡古寺閒。伯也吹埴尊。

太傅

自註壁上有先兄竹君一聯

公乎歛有詩。磊落篇三造。諷詠自偶然。

萬古一憑弔。厥惟浙閩邦。英彥富瑋瑁。爲公所摅拾。以

次登廊廟嗟余亦何爲覽卷增變歎匪徒以公詩令德
余所好珍禽集豐林高士恥炎竈不見六一翁那禁眉
山悼

海秋詩集

卷五

九



次登廊廟嗟余亦何爲覽卷增變歎匪徒以公詩令德
余所好珍禽集豐林高士恥炎竈不見六一翁那禁眉
山悼

海秋詩集卷之六

益陽湯鵬海秋撰

五言古詩

感春十九首

飄。飄。生。遠。想。躑。躑。成。悲。歌。仰。觀。峯。上。雲。俯。察。江。間。波。天。
地。有。自。然。吾。道。甯。蹉。跎。習。習。東。風。來。起。舞。將。如。何。
門。前。兩。好。樹。離。離。杏。與。李。露。裏。白。纏。綿。風。吹。紅。旖。旎。依。
人。態。有。翩。嬉。春。意。無。已。哀。我。縹。緲。情。天。青。無。徙。倚。

人。生。無。根。株。不。可。以。逍。遙。青。青。陌。上。柳。灼。灼。園。中。桃。朝。

海秋詩集卷六

卷六

一

爲。穠。纖。態。暮。已。隨。狂。飈。弱。質。畏。凌。兢。浮。念。增。迴。撻。趨。盛。
語。惟。妍。避。衰。性。遂。彫。安。得。金。石。心。百。年。以。爲。要。

孤。桐。生。巖。岡。流。萍。散。池。沼。桐。心。直。不。移。萍。葉。亂。如。埽。同。
此。青。青。色。東。風。無。醜。好。委。蛇。從。物。論。庶。用。刪。煩。惱。

豔。豔。辛。夷。花。萋。萋。女。蘿。草。揚。揚。弄。芳。蝶。得。得。能。言。鳥。有。
鳴。柔。樹。巔。一。鳴。驚。人。老。惜。無。竹。枝。弓。射。死。城。南。道。

黃。鶯。莫。爭。樹。紫。鷺。莫。擇。巢。汝。得。及。春。生。義。已。無。秋。號。不。
聞。蟲。蟬。嘶。慨。彼。風。霜。交。蹀。蹀。抱。寒。葉。啾。啾。警。深。宵。稟。氣。
豈。不。均。適。時。良。已。超。鶯。鷺。匪。吾。心。哀。哉。古。義。彫。

鮮鮮禁禦紅鬱鬱瀛洲綠草木雖賤微託根有榮辱蕪
菁交牆隅櫻桃垂路曲豈無春風吹栩栩媚幽獨卽趣
咸所忻守己良用足咄咄五陵兒不識余軌躅

長安俠少年被服織以新鬪雞紅塵道走馬綠楊津夜
結蕭朱綺朝干衛霍勲哀哉太元客心骨腐可嘔茱萸
自有芳人生自有親寥寥風雨中千載爲我鄰

賤游無意氣貴游有輝光不見狹斜道金紫何焯煌須
臾銅雀臺鞠爲荆棘場盛極理必衰吾甯守其常

晨行大堤上池塘水微波蒲小不堪展蘭生豈其多采

海秋詩集

卷六

二

擷欲遺誰踟躕將奈何萬物貴待時無爲靜者訶

種藤貴成陰種李貴成實悃悃君子心矯矯歲寒賈哀
彼木槿花徒然媚春日漂浮性易移恂恂魂屢失

勞勞厭事役默默發誓省雨驟花難圓風簸雲不整工
細各有宜喧靜隨所領寡慾謝磷淄多營耗聰穎無攪
管葛勞肯學儀秦猛道力鎮卑微天機澹馳騁逍遙人
間世得酒且爲幸頽然六七酌長醉不願醒

束髮希古先歷世增紛擾東西迫奔馳賢愚互顛倒有
如海漂梗簸蕩不可了悠悠負初心耿耿抱私情興言

酌春酒。酌夜至。曉露團。百合花。風送三嗅鳥。覽物情。
彌道知命髮。甯槁時。唸陶令詩。忻然不知老。

故鄉春可愛。異鄉春可悲。漫漫花草交。濛濛煙景移。言
脫塵中鞅。返彼林下棲。桑麻藹綠野。萍藻縈清漪。翩翩
鷺。睇梁栩栩蝶。穿籬野人炊。藜藿朝餐夕。不飢惜乎吾。
蹉跎永永無還期。

春陰爲我峭。春花爲我愁。念我同心子。淚下不可收。死
者長眇芒。生者半漂流。芙蓉粲新渚。楊柳迷舊樓。歌板
有餘妍。酒盃難再酬。誰能外人情。棄置不回頭。壯年多

海秋詩集卷六

三

悲思老醜難豫謀

東鄰一儒士。髮白顏猶童。請謁非偶然。肝膽已先同。歲
久衣裳破。天高文字壅。變化固有命。愁苦何能終。時復
飲我酒。一醉萬事慵。春風爲誰來。陶陶樂無窮。

流光易乘除。寡識足悲誚。一燈耿青熒。百氏展研校。微
祿買古書。浩歌駕羣笑。律躬術不歧。體物神惟肖。俛仰
識事會。勸懲合典教。惜乎吾道難。未見羣言掃。青蠅無
高飛。白日有頽照。君子勤來過。願以永好樂。

下士守一圃。高情無盡神。筆餘屈宋妍。事與伊呂羣。志

大詞難降名高謗已聞棄置人間論且用存我真

晨折柳枝歸暝倚藤花立方解揚雄朝復傾卞和泣茫
茫何所開磊磊不自戔春風如過鳥閃爍流年急安心
病可蘇率性愁甯集曠蕩天地間永矣師蒙邑

哭女莊昭詩

鬱鬱疲寢飯勞勞趁昏朝矧於兒女間慘此生死遭曰
汝之初生靜好齊蘭若兩姊翼之行衿袖風飄飄秋月
豈不白我心豈不牢汝病墮微茫藥物增傾撓盈盈九
河淚不補中夜焦

海秋詩集卷六

四

梧桐簸斜陽四散葉如雨葉落還有根汝去了無語提
攜智未深啣唔憾何許掩面不見我其心久延佇秋風
逼黃雲吹汝魂魄苦城尖月稍稍山荒狐栩栩慎勿暴
汝骨聊以畢爲父

太古有榮枯我何獨纏綿屢屢憂患窟不斷涕淚根出
門復入門憶汝當我前一夕陰風飄吹之落黃泉浮生
百無著血重情所偏強顏勸汝母須臾已復然哀哀一
室中涕泣相周旋

端居想氣數積久多繁憂歲歲火雲舉村村兒女嗽但
聞井里空不見禾黍稠年荒議論雜心微涕泗流步出
白西門好雨從東疇菜甲行可摘稻花靡不抽三輔多
稼穡此外吾無求

雲興何山頭雨歸何澗底焉知造化功但見郊原美藹
藹黍稌興離離婦子喜旣懽耕者情亦完仕者理哀哉
醉飽中感召其有以得雨且悲歡觀稼宜終始往問力
田翁一雨甯足矣

送廖春泉孝廉

海秋詩集

卷六

五

兀兀自醒醉勞爲行藏天問難可續子材焉所將蘭
蕙雖滿畹藜藿競升堂寸心有然否行路無低昂蒲柳
欺松桂鷓鴣嘲鳳凰由來時數爾無令心肝傷勗子以
自超長嘯歸巖岡

春風給汝來秋風速汝去蒼黃抱新悲婉轉得深悟扶
桑有西頽滄海惟東注塵封銅雀臺雨隕珊瑚樹富貴
人事聳貧賤天機裕芒鞋踏雪霜釣竿挂烟霧悠然不
可回此意共誰語

朝刈溪田禾暮飲山人酒父老相去留兒童諳授受天

機一以新人事無不有男兒不跌宕年華易衰朽射虎
上山椒騎鹿出松牖渴斟獨流泉飢餐並根藕不落塵
網中老死亦云厚

黃鶴不輕舉赤驥豈長嘶時洽理自伸跡賤心匪庠讀
書周孔尊淑世陶唐齊大言余已慙逸志子莫移且耕
山中田以餉蓬頭妻麤糲有至性風雅無鈍機一彈嵇
康琴三復陶潛詩詩盛吾所禱詩衰吾所悲努力鏗元
音蛙黽何能擠

梟鸞非族類海澨殊潮波豈不傷我心其誰和我歌念

海秋詩集

卷六

六

子相慰勞吐詞無偏頗始信古所得不爲今所訶深愛
結網繆嘉會惜蹉跎位小游揚寡道衰別離多去去狎
鷗鷺深深尋薜蘿出處理莫齊媿歎夫如何

送郭羽可孝廉

勞生易紛歧結友相悲梗霧重無翔禽風歆有覆艇璠
璣爲誰妍衣裳自孤迥搖搖澗底蓬慘慘杯中影眼暗
收涕洟心危怯僥倖升沉總何憑賢愚從所秉梁園訪
故知山東競延請濯足淇澳波拂衣徂徠頂艱難見初
心漂泊得真境却笑五陵兒胡爲浪馳騁

山鳥無定木池魚無定波。子有齊梁行我爲燕趙歌。念昔攬環珮。聞道相礪磨。中情重山嶽。辯口驅黃河。君子日月見。小人風雨訛。吐辭無黑白。秉性有貞頗。男兒不上蓬年志。能幾何。君老我方壯。會少別更多。踟躕進清酒。惻愴生沈痾。意重夫何言。恐爲聞者訶。

哭仲姊詩

鳳凰八九雛。生小鳴相偕。卒遇驚飈起。各自東西飛。山川阻且修。魂夢成驚猜。時因雙鯉魚。寫我心中哀。姊其愛玉體。無使秋風來。欲問紫金丹。方進長命杯。烏虜蘭蕙姿。忽忽今成灰。艱難迫枯槁。焉得不西頽。生別尙踟躕。死別安望哉。

海秋詩集

卷六

七

今晨忽不樂。回風吹我襟。桃李有餘妍。骨肉難再尋。姊病吾不知。姊歛吾不臨。荒荒平昔顏。慘慘離別心。安得生羽翼。飛還故林。故林不可還。悲思不可任。遙望道旁塚。草荒狐兔深。已矣復何言。長歎不成音。

誰謂骨肉堅。弗若涕淚新。念我仲姊。沒同懷。損一人不見。嬌小時。婉婉娛雙親。口吸薔薇露。手翦芙蓉雲。長大各有向。涕淚露衣中。鬱鬱萬里日。飄飄百年身。常恐不

自保摧爲棘與薪東風吹惡耗幻想吁已眞雖有如瀝
酒不能澆苦辛

悼亡四章

泖泖飛霜清淒淒明月高帷屏寂無人孤懷寒屢交重
理平生言今成兩地遙參商匪吾料同穴以爲要
生別尙相思死別誰能奈牀空蛛網封室闔瑤琴壞故
物無久存深情有餘嘔踟躇復踟躇天寒日晡暖

日月盈旋竭雲霓舒更收人生有常理之子又何求不
憾黃泉遠但惜青春休歡娛曾幾時去去無回頭

海秋詩集

卷六

八

上山休采葛涉江休采蘭葛繫人心苑枯有憂患天
天閨中好鬱鬱泉下寒已矣百年盟長歎摧肺肝

最新婦四章

峯巒不厭復江海不厭深與君結新婚黽勉成一心朝
餐並根粒暮宿雙絲衾吾生多蹇艱歡娛當自今

君如初春雲我如仲秋月春雲靄方興秋月圓可揭仰
視空中鳥大小必雙獭長采芳蘭榮不識枯蓬歛

啾啾乳鵲東瑟瑟雛鳳飢亮哉故婦心薦子以提攜毛
裏恩不二筇杖理亦宜拳拳姊妹花根荑那得移

金石本貞堅。絲蘿亦縈抱。南國有佳人。情重貌逾好。羅衣從風揚。錦障障落花。小捲簾。夫如何。明月照窈窕。

順天武闈監試作

國家重材武。巖穴紛扳要。彎弓集轅門。跨馬橫金鏢。桓桓意氣麤。趨趨膂力超。飛空挾猿臂。排坐談豹韜。呼毬電影奔。插箭霜聲號。縈回抱巨石。颯沓舞大刀。風曉翠旗寒。日暮金鼓驕。爭先技有勝。入選理無滯。訓旅間周篇。出師溯羲爻。亮彼武士心。生當

聖人朝。邊隅今已清。將帥古所高。象垂麟閣赫。石勒燕海秋。詩集卷六九

然平熟講。孫武術高摧。頗收標慎莫。負科目端宜。蓄雄虓武備。但從容文治。彌宣昭詰朝。畢茲役。慨然心爲勞。

夢游南嶽詩五章 併序

僕苦羈絆久矣。新從摧挫之餘。大有逍遙之想。猥以前夕夢游南嶽其夢也。耶。其覺也。耶。斐然

託興爰紀以詩

富貴夢苦長。山川夢苦短。天機莽飄飄。人事悲纂纂。南瞻壽嶽尊。煙霞實奧衍。千盤更萬疊。虎伏忽齧展。岬岬摩列星。蓋蓋結靈篆。陰陽但一氣。今古此關鍵。舜禹雖

不逢聖脈餘苔蘚。晝思浩無窮。夜夢微可辨。東風吹我衣。去去足甯蘭。三拜靈峙前。寸心用龜勉。人生無根蒂。吹墮風與塵。荒哉歌哭事。了此去來因。出山隘世網。入山意已新。石磴聚泉流。竹箭搖古春。藤餘萬歲蒼。楓有千章勻。龍鬚抱婀娜。鸞桃墜繽紛。時來雙白鷗。導我以殷勤。仰捫祝融日。俯蹋嶽麓雲。放懷竟何礙。忘機聊自馴。無爲形役愚。徒作世上人。

李耳訓守雌。疏廣悟知止。持以澹世紛。闕此幽尋軌。幽尋夫如何。捫藤更攀藟。前登莽嶠曉。後顧縈邐迤。七十

海秋詩集

卷六

十

二峯雲盪胸。不能已。巨靈翼我行。飄然絕依倚。趣奇外有。加理豁中無。滓逃身入空。虛遶問非與。是念彼蜀道難悲歌。涕瀾瀾。誰其齋輕糧。載訪赤精子。

菲菲石柟花。一開一千秋。精理苟不昧。今古爲同儔。結宇緬少文。煨芋規鄴侯。侯尚世情少。文吾所求。青山自有鶴。白水自有鷗。咄咄蝸角爭。未知所底不逐。僞生繁勞抱。真獲優游。願得一茅屋。此中其久留。

渴飲五雲漿。飢餐三秀草。山中神仙人。顏色長美好。華蓋來翩翩。彌明自難老。手捕虎與豹。囚拘挾輕矯。人生

亦何憚毒物。非小小飛騰。苟未能。習伏安。可了拊心發。
長嘆側足憫。孤造景。彼九真人。從游憾。不早蕩蕩東去。
波悠悠。西歸鳥。惜哉幽夢。醒涕泣。心如壽。

自海淀于役歸取徑游畏吾村五首

繁勞鍊筋骨。顛倒事鞅掌。今茲稍休暇。束帶慙孤往前。
行寂無人徑。轉得平。做鳥穿林際。幽魚散池中。廣天機。
良在斯。人事非所助。誰能戀其他。行當荷藤杖。

青青楓樹林。週以綠蘿灣。何必凱風來。溽暑亦已闌。下
馬掛孤石。倚流聽潺湲。漁子三兩人。語我持其竿。巨鱗
海秋詩集 卷六 十一
不受釣。細鱗飽我餐。卽此規進止。取樂其未慳。

赤驥馳康莊。黃鶴棲密林。喧靜豈同科。聊自心吾心。四
顧何杳冥。蒼翠霑衣襟。時間松檜下。撞鐘出遠音。陶
寺中僧。冷冷石上琴。借問楞嚴卷。焉知梁甫吟。
村村自桑田。家家蔭修竹。豈不近市廛。幽居有結束。道
逢長眉叟。與我敘款曲。婚嫁尙古風。漁樵亦土俗。時聞
車馬來。了不關幽獨。乃知塵埃紅。弗若郊園綠。

桃源何茫茫。谷口詎易逢。凌晨一披豁。選此物外踪。蹇
衣向前路。出入迷西東。願買竹間廬。樹以青梧桐。梧桐

長古雲竹廬長好風此志儻可償束縛非我躬

贈丁燕豐農部二首

西方有一士藹然賢達姿心耽子夏儒筆擷史臣詞觀
理有醞釀遇物無嘔崎鮮鮮芙蓉裳塵埃未可欺烏虜
萬塗中妍媸故難齊陸生畏猛虎墨子悲素絲寥寥金
石心君子當知之飲我以醇醪佩我以歲縶願言結百
年古道相追隨陋哉綸與紆何足當襟期

黃鵠志萬里乃在樊籬間君子何從容即署豈所歎馮
唐古已愁賈誼今誰憐豹變固暉暉蠖屈亦閑閑惜哉
海秋詩集 卷六 十一
湖湘子摧挫力爲殫風濤無端倪神理有研鑽相逢偃
蹇中相許一何堅松柏見本心惟應知者言

姚石甫兄入都敘舊言懷四首

人生無恒處聚散如風蓬昔去已飛騫今來亦從容別
久緒何繁喜新語難重負管展窗綠躑躅沿階紅童子
酌美酒一飲累十鍾醉醒順所適是非澹在空白壁豈
爲拙青蠅豈爲工進修遭怠忌歛退成盲聾拳拳君子
志與我爲雲龍氣類自古然誰謂途將窮

天高鳴鳳凰塗長騁驥跡匪侈君子才恥與時人目物

駿見瘡。瘳才輒森。牙燾余回咽。悲梗子亦腸。詰曲作吏
二十年。計實名乃郁。賢勞政有加。遲暮髮半禿。亮茲朝
天佩。大展蟠雲躡。上以葆中和。下以洗酖毒。

高飛限霄漢。卑走塞藩籬。惴惴柏臺愆。悠悠郎署棲。束
帶營簿領。退食奉書帷。動隨夔龍後。靜與周孔期。白雲
入我牖。黃鳥向我啼。時物有忻賞。文章無渴飢。不見楊
柳花。旋爲溝瀆泥。丈夫重本根。名浮何用奇。

芙蓉泣秋風。杞梓登國寶。顯晦物莫齊。賢愚理自考。名
慙賈誼才。骨絨陸贄葉。願爲雙驂驪。與子同躋躋。渴飲
海秋詩集卷六
三
瑤池波。飢食玉山草。擔持千鈞任。蹴蹋萬里道。守已豈
所耽。濟世苦不早。日長飲醇酒。心遠倚蒼昊。蹭蹬吾無
能。綢繆子爲好。努力圖麒麟。吹陽潤枯槁。

酬贈喬健侯水部

金玉匪異狀。蘭菊咸古香。拳拳叩我門。藹藹牽君裳。上
探羲軒源。下闕周孔堂。年少文已富。心虛貌惟藏。嘉此
造道器。傾慕無時忘。清當飲沆瀣。濁當埽秕糠。斯文在
百年。努力未渠央。

天澄月自見。才淑命攸宜。何必蓬萊游。姑此郎署棲。柄

喪胥吏。猛條紛案牘。歧非秉剛柔。性未易戒厥欺。譬彼
鷓鴣巢。或爲鳴臬移。蹠效忠悃。曷子以不疑。

局局懷前愆。陶陶適今好。諫諍匪吾能。誦讀觀道要。西
窗有好風。一倚一長嘯。但貪夏日娛。不畏秋霜弔。感子
意纏綿。新詩揭古調。上言升與沈。下言夢與覺。

籠鶴寡所聞。柙兕豈其吼。不憾吾道窮。但願吾詩厚。藻
綺名易刊。風雅義貴剖。青蠅問白黑。此意誰授受。寥寥
空字中。俯仰亦已久。滄溟無盡頭。潢潦安足守。子兮勤
來過。酒酣月在牖。

海秋詩集

卷六

十四

有酒不獨斟。有詩不獨吟。汨汨文章淚。悃悃朋友心。韓
愈張道幟。蘇軾崇志林。豈惟籍湜駭。坐使秦黃欽。道高
匪可孤。氣合甯知深。雕章聊用報。古歡繼自今。

海秋詩集卷之七

益陽湯鵬海秋撰

五言古詩

秋懷九十一首

兀坐夫何爲。起行步庭隈。白露霑我裳。明月照我杯。杜康去不返。麴蘖理已非。佐歡歡苦少。送愁愁不開。感激墮新淚。磨滅餘舊懷。咄咄汝秋風。爲我從西來。

離離塔下蘭。颯颯堂前柳。枯枝霜易欺。敗葉雲難守。天時屢遷移。我志良永久。俛仰身世間。萬事無不有。羈旅

海秋詩集

卷七

一

積窮愁。聰明混瑕垢。一剛而一柔。此理誰當剖。

秋聲何烈烈。秋色何漫漫。蟲嘶機杼雜。螢颺梧楸寒。昔時桃李華。今日蓬飛翻。搖落雖自然。可愧復可歎。所以賢達士。汲汲崇本根。南山有松柏。千載相盤桓。

枯蟬聲易哀。吟客心易愴。秋物已蕭森。我悲方誼盪。弔古增百憂。覽今森萬狀。緒兼屈宋繁。筆挾曹劉壯。危言悚鬼神。高歌媿蓬閨。雖畏青蠅飛。還工白雪唱。物博貴能搜。理沉一以放。但恐民默死。古調誰其創。

漼漼霜滿庭。翳翳月沈閣。古歡亮難伸。孤念竟何著。歲

華難挽留人事易迂錯番怪壯年非不及少年樂

少年誦詩書一日一萬言騁此青鏤筆寫爲白雲篇班揚爲我後孔孟爲我前志大亮不塞興深夫已堅雷霆鞭苦心風霜鍊孤妍離離齒髮變鬱鬱寒暑遷故吾有智慧今吾有悔愆及茲不努力老醜無人憐

讀書患不博用世患不詳真心觀古往匪徒以文章周公說禮樂作相何堂堂仲尼用於魯齊返其侵疆韓愈稍見道論佛排天閭蘇軾雖嘲謔新法懸否臧忠義耿至性丰稜懾奸腸攬衣吾如何秋夜起徬徨

海秋詩集

卷七

二

天用莫如龍地用莫如馬三古多聖賢萬物歸陶冶哉豈儒子炯炯抱騷雅了無補與救時論濫推假登高望八荒飛鳥何爲者路長羽翼短日暮涕橫下

卑卑野田雀不知雲路翔男兒厭趨趨事業安可量夔龍亦吾徒管樂固士常慷慨登前途論高心愈傷甯爲人所嫉母爲人所忘滄溟駕飛舟何時就徜徉

白日不受霧奇士不受塵以此人中鶴來畫閣上麟衛霍俱倒屣蕭朱亦結鄰名高固其分利啖安足云梧桐生百尺其下風紛紛衆女嫉蛾眉謠詠傷其真坐收鴻

鵠志反。謝鷓鴣羣哀哉。吾道難柄鑿非所論。
鮮鮮籬下菊。濯濯晚中蘭。蘭菊豈不好。持贈反成患。託
身一失所。爲鴛鴦爲鸞已矣。夫何言千載含悲酸。

妾本名家女生。小人不識的的珊瑚姿。嫋嫋芙蓉色。十
歲工語言。十三能組織。十六爲君妻。巾櫛有典則。妾如
河漢水。清波長古今。君如馬牛風。來去不關心。但悅妾
顏好。不察妾情深。徘徊難久恃。愀愴安可任。

閉門量車轍。不知道里長。憶妾未嫁時。聞君有令望。貞
如松與柏。潔若圭與璋。執巾入君家。擾擾何攘攘。不見
海秋詩集卷七
三
賢豪流。但逐輕薄郎。拔彈必雙飛。賭酒無後償。黃金委
泥沙。一擲百萬強。花浮開落頻。物狎是非妨。及今不慎
旃。妾心愁未央。

霜急衣裳破。讒深情好衰。君心與妾心。流水爲徘徊。清
流人所喜。濁流人所哀。鶯簧一間亂。燕婉成嫌猜。不怨
人間世。但憾妾命乖。去去死道旁。棄婦如塵埃。

且且治酒食。暮暮裁羅綺。有才不爲憐。長戚一何鄙。且
隨分所置。牽蘿茅屋裡。妾非古井波。能伏亦能起。不見
桃李華。秋衰春更美。往者吾無云。來者吾曷已。豁然悔。

悟開可以相終始。

誰謂藍田玉不及薪與樵。誰謂名家女不及妖與燒。妖
嬈如桃花攜手心蕩搖。紫鸞爲吹噓。青蠅爲矜驕。直絃
與曲鉤。君子長混淆。新人日已媚。故人日已焦。新人會
有故。秋風變蘭若。物理可窮推。我生甯獨勞。

憶昔蓬篚姿不識。女與牛父母。良我愛兄弟。無我詵輕
言。侍君子。惻愴番成羞。豈惟一朝痛。端與百年休。回思
未嫁身。行止得自由。拭淚不能言。但隨溝水流。

高堂鬼所瞰。美服人所猜。雖有電勉心。徒爲愁苦媒。春

海秋詩集

卷七

四

風豈不吹。秋風忽又來。嗟嗟鬢與髮。未老而先摧。

秋晨霜淒淒。秋夜月皎皎。不怨秋霜非。但愛秋月好。桂
樹何團團。嫦娥實窈窕。惜哉不能扳。紆軫向誰道。

鄧林非一木。大儒忘一身。撥棄眼前論。匡救世上人。愚
公豈好事。精衛亦何神。移山與填海。此志垂千春。艱難
貴勇往。頽漏期彌綸。三復賈生策。庶用豁吾真。

山深有豺虎。川廣有蛟鼉。毒物不翦除。元氣難調和。手
持丈八矛。霜鋒露嵯峨。豺虎坼其窟。蛟鼉息其波。惜哉
不得往。涕竭心則那。咄咄有能事。鬱鬱成沈疴。

寸心如江河。屈注未云了。默坐觀世紛。沈憂迫人老。風后與力牧。古意歛如埽。管葛亦飄零。屈賈太顛倒。天地有滄桑。知幾以爲寶。不見秋風吹。羣物已枯槁。萬變亦尋常。消弭苦不早。撼撼無時終。耿耿向誰道。

孟軻有正氣。浩然塞地天。汲黯亦骨鯁。漢廷稱其賢。俛仰懷前型。優游自磨研。咳唾皆古香。肝腸亮誰宣。出門復入門。尤悔來無端。辯口久已封。誰知我憂煎。

精心鷲八極。蒿目觀四方。豈無變化志。羽翼不得將。誓當與君子。結爲雙鳳凰。飛到天門以首祈。玉皇鷹鷂

海秋詩集

卷七

五

爲我使鴻鵠。爲我行持此金石懷。生彼族類光梧桐。有羣棲竹實。無獨嘗道衰。苦不振志。大夫何償我。欲竟此曲。此曲悲且長。

朝謁許史廬。暮宿金張府。白雲圖綺疏。明珠壓飛柱。羅幌不勝風。珠簾無過雨。堂上羅瓊筵。堂下擊鞀鼓。大姝工秦聲。小姝習吳舞。雜還爲歡娛。不知有爾汝。烏虜路旁兒。飢凍奈何許。歲暮無衣裳。田荒少禾黍。野哭黃雲低。天陰白骨腐。寥寥君子心。愷悌亦無補。

戔戔蟬冕客。止醲如奔虹。騎用珊瑚鞭。飲用琉璃鍾。飾

用貂襜褕圍用翠芙蓉借問何所挾兄弟兩三公伯氏
九牧長仲氏萬戶封小弟亦翩翩出入瀛與蓬黃金叅
朋友白劍欺兒童旌旄雜風雨觀者迷西東但悅春陽
好不識秋霜蒙騰騰會有歇擾擾終成空太息青蒿姿
何由倚長松。

伊昔黃頭郎銅山自鑄錢延年善爲歌印綬亦翩翩技
小良可羞寵高夫豈堅奈何驚鴛翔咸爲蛟蝶先爲蝶
猶尙可爲蠶將慎旃幾微不識察坐致邱山愆

名鳥思茂林巨魚思大壑如何當路子與我共然諾蘭

海秋詩集

卷七

六

燈照華堂桂酒盈清爵綺紈爲我施管絃爲我作人事
有綢繆道心多束縛譁然逐時趨誰復聞蹇諤

蘭艾本異科涇渭不同源人生各有向譬彼方與圓儀
秦何狹詐牢石相聯翩未及爲君戒聊以懲吾便英
黃金花擢擢紫莖荃性避春風狂色與秋露團蕭颯有
真意惟應知者言

長安大道旁走馬誰家子腳踏大宛駒身披蜀都綺臂
鷹笑長楸鬪雞橫戚里調笑邯鄲媚容華若桃李生年
不知書行樂有如此迂哉揚子雲草元今已矣千秋萬

歲後誰能究其理

蒺藜豈獨惡。薜蘿豈獨芳。邪正一搏擊。天性爲飄淪。艾子亮難操。風雷吁有神。勉哉崇令德。理足情已存。

危冠挾飛霜。高名撓重謗。南箕與北斗。奮張安可諒。談虎固荒唐。剗龜太孟浪。人事如浮雲。頃刻難一狀。塗舛辨何施。心苦涕應放。哀箜篌。篋引千載一悲唱。

松柏生崇岡。芝蘭相與秀。文章信有神。往還何必又。惻惻梟鸞分。顛倒理難究。推其生之初。大造罔不佑。流水有東西。人事有去就。用小以累大。千載爲刺謬。

海秋詩集

卷七

七

我有廣陵琴。飄盪天雲閒。一歌鷓鴣歇。再歌鳳凰來。古調非今情。惜哉難與諧。離離郢中曲。荒荒稷下才。小人互嘈啐。君子長裘裏。品題久已混。欲辯甯非駮。熒熒螢似燭。喔喔雞非鐘。萬物露聲光。所貴識其宗。念我平生友。探懷無異同。贈我雄雌劍。蒼然百鍊鋒。但當斬蛟犀。何用驅蛟蟲。神物不苟見。哀哉藏匣中。夾象斯辟邪。然犀乃見怪。豈不類猛鷲。適用固已泰。古人善驅策。今人自顛沛。哀哉匪犀象。徒然逞狡獪。芸生亮何辜。毒物無乃太願。請飲飛劍足。以彰摧敗汲汲書。

生愚不識事與會。

得得梁間燕交谷口鶯。巢成長衆雛毛羽。一何橫忽。
聞風雨。至有巢不得甯。昔作盤天飛。今爲墮地鳴。東海
有時枯。泰山有時傾。取足非自我。悲懼隨所令。

溪東種荷花。溪西種荷花。溪東游碧魚。溪西蹲怒蛙。魚
吹荷浪直。蛙吹荷浪斜。萬物有本性。轉移非自他。行當
謝回次。言當息淫哇。頑根金石堅。此理誰疵瑕。

朝聞欽鴉鳴。暮見訓狐飛。但恃嘴距利。不識軀體微。主
人操弓矢。欲發不忍開。念其亦物類。聊與爲徘徊。嗟汝

海秋詩集

卷七

八

不訾省吞啄。無是非渴飲。紫駝羹。饑食鳳凰胎。念生不
念死。徒爲人所悲。大哉乾坤德。何能貸汝爲。

天地自崇卑。性命無醜好。君子惟炯介。小人或顛倒。微
言亮難宣。愁心那能拘。雷霆發羣蒙。庶偕於大道。

娟娟芙蓉珮。楚楚薜荔裳。念此非偶然。千載一芬芳。有
才苦啖名。離聖而入狂。乃知內美儲。費用外節詳。書紳
使人敬。括囊使人忘。由來帶芥情。豈得爲事常。

松柏生深山。葛蘿繚繞之。君子重交游。亮無獨立時。黃
金不厭傾樽酒。不厭持誰知。廉將軍失勢。乃涕洟雲雨。

多翻覆輪蹄半險巖。混混忘愚智。默默藏懽悲。已矣金石心。百年不可期。

昔日豪華子。信陵與孟嘗。食客各數千。談舌何披猖。道衰重智術。勢炙輕典常。嗟元莫。心閉門秋葉黃。

東閣肆招延。北海重宏擘。此風久已頹。吾生安所放。填胸有珠璣。植骨如篠簜。念此非獨行。報晦苦不廣。挺挺說古今。荒荒媿俯仰。子期逝已久。顧曲多懍慌。譬彼徑寸光。不及三萬丈。將恐繼以悲。秋淚墜蒼莽。

芷蘭出沅澧。來充君子香。但願顧盼勤。不憚道路長。吁。

海秋詩集

卷七

九

嗟此香草。諦視增感傷。左徒爲騷怨。賈生爲涕滂。道衰絳灌驕。命蹇子蘭狂。雖有沈慨歌。肝脾徒自傷。

衆松生泰山。短長乃自然。短松枝偃蹇。長松勢騰鶩。騰騫夫如何。高高到青天。下與塵壒別。上承雨露偏。嗚呼。踈弛士。惻愴今有年。朝謝春陽熙。夕攬秋霜眠。呵噉神鬼橫。飄飄毛髮顛。化爲朽腐骨。誰當職其愆。

麒麟百獸主。鳳凰百鳥宗。鳥獸皆有欲。麟鳳胡不同。晨餐飽瓊瑤。暮景棲梧桐。下視飛走儔。致詞何從容。從容諠有適。拘牽道已窮。未見伏者雌。或爲飛者雄。人生無

百歲知已不再逢。昵昵但如此悠悠何所終。

獨坐北窗前。浩歌淚盈把。摳衣向誰道。舉杯空自寫。一酌方崢嶸。再酌忽婀娜。我志本迷漫。非獨知者寡。

步出北邙坂。惆悵念所思。所思夫如何。千秋之鼎彝。念我草茅來。與子朝暮隨。吹噓上九天。皋襲以爲期。命蹇失老成。名大得支離。逝者不復還。俛仰增歔歔。

生別尙可逢。死別長相憶。海闊秋茫茫。音容何極昨。夜夢無端飛。飛挾兩翼重。理生前詞不愧。古來則哀哉。君子心埋滅。無由得日暮。叫巫咸。冥冥楓樹黑。

海秋詩集

卷七

十

南方有佳人。北方有佳人。寄我殷勤詞。逾此平生親。天夭桃李顏。粲粲珊瑚脣。願爲雙鴛鴦。比翼翔江津。欲飛不得去。慙惘傷我神。我神日已傷。歲月日已奔。冉冉老將至。勃勃愁難馴。歛恐如花貌。蕩滅爲埃塵。天涯隔雲雨。夢想安能真。

林鳥思故儕。池魚思故羣。念我親與友。飄盪天南雲。死者長寂寞。生者亦苦辛。悠悠隔形影。默默傷精魂。少壯輕遠游。結交要路津。恃此草莽姿。廁彼廊廟珍。蹉跎故不振。愧憾夫何云。富貴多反覆。貧賤還真淳。硜硜鄉曲。

士斗酒可爲鄰。

天遠得幽光。人靜生遐想。方思炳旂常。忽愛棲林莽。結廬白水邊。採藥青峰上。松楸借餘陰。雲霞騁孤往。物駭畏參差。道高趨曠蕩。報恩吾未能。聊欲脫塵網。

商山老黃綺。釣澤披羊裘。斯人雖隱遯。高名鍊千秋。媿媿軒冕客。徒爲妻子謀。模稜得時譽。淪沒歸山邱。喧靜一殊科。賢愚難比侔。營營悼前勇。抑抑成今羞。沈迷不知返。甯非醉飽儔。

漢濱有老父。河上有丈人。外疎耽野興。內醒閱世紛。豈

海秋詩集

卷七

十一

不念飢溺道。屈難爲伸流。涕了無益忘。情聊自欣去矣。閉耳目。飄然事耕耘。南溪水可灌。北郭禾可分。父老久爲言。要我以白雲。無使武陵桃。來笑九衢塵。

昔讀陶潛詩。迷不知趣遠。及茲悔已叢。用勗歸毋晚。晨酌清流泉。夕卧白雲巘。鮮鮮芙蓉裳。澹澹魚蝦飯。騏驥步修塗。馳驅成老蹇。見事苦不先。伊誰亮忠懇。興言白鷗鳥。幽意冷然善。不怯江海深。邊怪池沼淺。

黃鵠一千里。高高不可攀。我家洞庭水。白雲相往還。鷗鷺爲我鄰。鰓鱗爲我餐。齎齎足天性。休休寡事患。

勞身爲主組。適道獨柴荆。藹藹墟里烟。忻忻雞犬情。田
父四五人。未知姓與名。相見但飲酒。我醉彼尙醒。或問
田間事。晴雨飽所更。桑麻屢蓂茂。兒童易長成。村遠語
言樸。風微溪澗清。卽事如已足。無爲歧路行。

方舟厭迂迴。名馬厭羈束。一落樊籠裏。吾道長碌碌。興
言返田廬。江遠天逾綠。詩舫悅性情。釣竿遠塵俗。巢許
匪吾棄。伊臯匪吾欲。洋洋武陵源。可以濯我足。

浮雲無根株。憂愁不可銷。赫赫侯王門。今成蓬與蒿。趙
醜悲韓彭。累囚怨樊蕭。一身不自保。好爵徒爲要。迢迢

海秋詩集

卷七

十三

鳴夷子泛泛五湖。芻蕘笠一以脫。瓢樽信所操。桃李有
重妍。江海有回潮。吾駕儻可歸。青山永逍遙。

吾聞老萊子。躬耕蒙山陽。鞭垂不到此。蓬蒿終徜徉。又
聞漆園吏。持竿濮水旁。甯與神龜存。無作犧牛亾。今我
意不樂。飄然念瀟湘。瀟湘多香草。吐氣盈我腸。其上有
名田。鬱鬱稻與桑。種桑雲已綠。種稻雲已黃。作息聊自
程。飢飽匪所量。賴有婆婆婦。時能進酒漿。人生但如此。
取樂應未央。

鷓鴣巢一枝。偃鼠飲一勺。計大非所論。分償庶已樂。昀

眇郭外田窈窕。山中閣衣食。亮有儲絃歌。聊自若無爲。
鐘鼎愚反以簪纓縛。或牽東門犬。竟唳華亭鶴。升沈總
何憑。生死倏如昨。拂衣謝時人去。去甘藜藿。

蒼蒼荷篠丈。潔潔披裘生。高風不可挹。千載爲澄清。漆
園却楚聘。黔婁嗤齊卿。雖然葆貞潔。已近世上情。風會
有淳漓。道路何縱橫。朝爲泰山重。暮爲鴻毛輕。覽物因
惕。躬高義斯崢嶸。棲遲衡門下。旦夕罕所驚。

白雲無定在。窈窕東西間。奈何拘朝市。不與松桂緣。久
留髮將皤。苟得心已酸。甯爲野中鹿。莫作天上鸞。鸞飛

海秋詩集

卷七

三

不得意。悲哀于青天。鹿行隨所之。不識兩與烟。青青故
山樹。可以息吾肩。

荒荒年齒增。冉冉日月邁。何不學松喬。高舉凌天外。東
觀扶桑暎。西赴弱水會。虹蜺以爲軒。星辰以爲蓋。手把
八空氣。騰騰何靄靄。日與衆真游。是非豈能穢。

陰晴無定候。悲喜惟一心。昨日夸毘子。今歸泉下深。人
命若朝霜。奄忽螻蟻侵。萬慮溷我智。焉得不銷沈。西山
一何高。仙童兩兩尋。與我一丸藥。授我不死箴。蹈火可
不化。入波可不淫。太息世上人。焉知我所欽。

赤松至崑崙安期上蓬萊二子良自然隨風爲去來秦
皇與漢武搜索何愚哉紫芝自有華神仙自有懷繕性
契中和壽與天地偕何必談虛無然後離塵埃蓬萊在
顧盼崑崙豈安排長當持此意豁然愁苦開

鳩鴟不惜春蝸蟻不畏秋生前有營營死後何悠悠未
若騎白龍飄然天上游玉皇顧我笑羣仙爲我儔飢食
琳琅腴渴飲河漢流悅懌亮不淺逍遙竟何求紫府爲
我家迢迢不回頭

薜華不終朝蘭膏不終夕長笑六合人擾擾蜉蝣翼盛

海秋詩集

卷七

古

往春波俱衰來秋露逼智慧長更消半愁散復積吾聞
王子喬千載猶美色拂衣尋嵩山丹砂儻可得

秋風卷落葉不能到青天今我弗睚眦壹意於神仙娟
娟西王母招我白雲邊庶憑青鳥使永就丹砂緣王母
忽不悅青鳥不周旋大笑塵中人難著天上鞭竦身已
電滅無由得扳援撫心長太息淚下如奔川

直木不知曲傲骨不知柔與其塵埃死甯作神仙游吾
聞彭祖言神仙亦懊惱天上多尊官旌旆森前導驅策
難可窮倔強欲何道賴有五雲漿童顏不能老終思天

上勞尙比人間好。

今我忽不樂步出城東門東門塚纍纍狐兔飛以奔白
楊垂枯枝蕭蕭愁殺人借問九泉骨曾是七尺身生爲
良棟材死爲蔓草塵富貴有憂患神仙無飄淪畦畦紫
金丹延年吾所忻。

飄飄八景輿慙慙白玉京宿昔夢到之今思轉分明胡
爲縛塵土耐此簪與纓本無姘媾術番成偏側行毀譽
耳已繁哀樂心又并徘徊人間世混混將何名。

壺公來朝市薊子謁公卿豈不守道要聊以覘人情風

海秋詩集

卷七

五

會有初晚兒童盡縱橫顧此非所欲超然游太清長翔
服山薑長生服山精朝騎赤龍飛暮騎白鶴行借問桃
李衰甯知松柏青。

蹙蹙發新悲拳拳撫故我靡靡塵網深曖曖天機墮清
晨梳短髮薄暮悄孤坐童子未工愁攜酒相婀娜有酒
吾不斟有願吾不果飢掘延年芝倦整逃名舸仙隱古
所欽去住今將那逶迤不知愚黽勉無一可。

巖鄭吁已遠松喬杳莫攀聊與世間人環珮相往還逢
迎費言語曲折低容顏長恐平津豪或來廷尉歎朝爲

琴瑟諧暮爲風雨寒淒淒素絲哭鬱鬱歧路難安能去
好惡我心如石頑

我聞揚子雲吞聲自解嘲馮唐亦蹭蹬白首不見招信
知道德尊匪與富貴要內美吁可欽外營澹已消象齒
遭翦伐蘭膏自煎熬哀哀哭黃犬李斯安得驕

翡翠難藏羽猛虎不衛皮光燄了無憑心腸多所悲願
言紛紜際挺此歲寒姿松柏存孤高霜雪謝侵欺猶恐
露崖竅反爲信者疑烈烈老氏箴抑抑武公詩庶用消
永憂彈琴以酣嬉

海秋詩集

卷七

七

壘壘顏氏子陋巷談唐虞以彼簞瓢意允爲君子儒貧
競苦不足淡泊欣有餘曷爲侈珠玉衛此七尺軀不聞
銅雀臺今棲雉與狐美人爲黃土琪樹成朽株覽物良
可歎佩道焉能汙義不受豆羹聊以貞吾愚

公莫登太行上有烈烈風公莫渡黃河下有蛟與龍多
才爲患害巧智生奇窮斧斤何丁丁剝琢百丈松摧爲
叢中棘飄爲澗底蓬衰盛理何常是非心已慵君子抱
琴瑟娟娟秋淚紅明月在雲端可以來相從

淒淒素秋節灼灼黃金花嗟此盆中枝遜彼園中葩盆

中費布置園中寄幽遐氣豁疏轉密脈闋整易斜賤兮
富本根貴兮鬪繁華沈思令人解民然無歎嗟
弱質逢艱虞勞心萃憂患拙哉頓軋蟲苦矣騏驥絆蹄
踏知前愆逡巡貴內斷伊古有儀型足以藥愁嘆孔顏
樂何事風月飽研玩未用賦五噫徒令聞者訕
愚生禹臯後慨想唐虞年敢謂事已遠庶以弛吾肩直
道忌模稜古意厭雕鑿自顧頗愚駘于何覲飛鸞但願
四海內無事可憂煎兵革靖邊隅桑麻滿農田天地就
清甯良已愜吾便何必取將相恐爲達者憐

海秋詩集

卷七

十七

疏慵謝時名悲駭畏世網高飛固逍遙卑走亦倜儻不
知夔龍尊無論季孟枉畫虎悔前非食鱗澹今想時還
作詩騷用以洗塵鞅短歌慰清寥長歌破蒼莽未見千
歲後虛名尙標榜吾生不可愚聊以寄心賞

朝誦巷伯詩夜思梁甫吟在我亦何校感物良已深白
日成陰霾康莊變嶇岑親暱一以乖讎謗來相尋借問
所讎謗良足爲砭鍼驪駒莫爭塗鸞鳳豈擇林吾甯守
其雌庶以道自欽

惓惓泣歧路悠悠經素秋時運有代謝君子多殷憂疑

霜被衰野。颺急寒流。無菌痛凋。落拳蘭思。阻修方盛。
固有衰旣去。誰能留。今我不懽娛。零落歸山邱。厭厭飲
醇酒。醉外無所求。

楊柳勿嬌。春梧桐勿悲。秋嬌春春有限。悲秋秋不休。撼
撼木葉零。嘒嘒蟬聲流。時方讀我書。觀理窮墳邱。借問
太上人。何知今日憂。浩歌忽有得。沈疴良已瘳。歷歷去
來事。豈足爲我愁。

登高見萬里。秋盡天茫茫。願與秋潦涸。不隨秋蓬揚。秋
蓬斷本根。上下無恒旁。離離度霧沒。宕宕從風狂。天命

海秋詩集卷七

六

難可料。人理固有常。飄轉竟如此。誰知我肝腸。

拍拍鷓鴣繁。嘈嘈蜻蛚惡。焉知我心深。不爲秋風虐。來

日雖大難。今日尙當樂。珍羞稍可陳。笙竽胡不作。朋來

有新詩。賔至無算爵。綽約華髮歡。慷慨黃金薄。商山有

紫芝。蓬萊有傑閣。自憾非神仙。不能常矍鑠。且復飲我

醪。形骸庶有託。

朝思瀟湘渚。夕夢浮邱山。上有桃花林。下有蘆花灣。褰
衣步窈窕。濯足臨潺湲。黃鳥不離巢。白魚不上竿。遙遙
問故鄉。兀兀常苦顏。秋高天地闊。可望不可還。甯要狐

貉裘弗甘藜藿餐功名等畫蛇日月如跳丸常恐山中
人嘲謔來無端鴻雁東南飛寄我欵欵言
暮秋日苦短志士心苦長絡繹爲我鳴鴻雁爲我翔幽
花泣餘妍落木出孤蒼仰見霜霰白俯歎川原黃血氣
能幾何憂愁不可量嘯歌若自得歌竟還悽愴

海秋詩集

卷七

九

此卷詩集蘇不可量爾爾若自昔海黃蓬蓬劍復似垂
外心發發發木出亦蒼山泉激着白袖旗川風黃血氣
暮春日苦短志士心苦長絡繹爲我鳴鴻雁爲我翔幽
花泣餘妍落木出孤蒼仰見霜霰白俯歎川原黃血氣
能幾何憂愁不可量嘯歌若自得歌竟還悽愴

